



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. III. Explicatio quâ Christus præivit.

urn:nbn:de:hbz:466:1-39100

§. III.

Explicatio quâ Christus prævit. (v. 20.)

INtium explicationis fecit Christus: qui dum exponit Sacramentum, (græcè τὸ μυστήριον) stellarum & candelabrum, suggerit modum & dat specimen explicandi cætera: ostendit enim esse Mysteria: simul indicat quod omnia hujus Libri referenda sint ad Episcopos & Ecclesiás quibus prænuntiantur eventura.

Significatio Stellarū. 1. SEPTEM STELLÆ, inquit, ANGELI SUNT SEPTEM ECCLESIARUM: id est, Episcopi. sicut Stellaræ, sic Prælaturâ excelsâ, sic officio & actione, sic exemplo; super omnialongè sublunaria; cœlesti specie, fulgore, & influxu prædicti: digni quos ferat Christus in vola manus lue, quos ostendat indice DEXTERA sua, & referrat ac figat in Cœlo suo, futuros (Dan. 12. v. 3.) *quasi stellæ in perpetnas aeternitates.*

Respicitur enim ad locum Danielis citatum: & ad Baruch. 3. v. 34. & 35. *Stellæ autem dederunt lumen in custodiis suis, & latata sunt: vocata sunt (ex privato lumine, ex suis custodiis; in lucem publicam Vocatione divinâ) & luxerunt ei cum jucunditate qui fecit illas Episcopos.*

Significatio Candelabrorū. 2. CANDELABRA SEPTEM, ait SEPTEM ECCLESIÆ SUNT. In his Candelbris respicitur ad figuram quæ in Tabernaculo veteris Legis præcesserat, in quo erat Candela-

brum de auro mundissimo, & in eo lucernæ septem (Exod. 25. v. 31. & 37.) & ad visionem Zachariae (cap. 4. v. 2.) *Videtis, & ecce Candelabrum aureum totum & septem lucernæ super illud. in quibus etiam Prophetæ verbis Scriptores Ecclesiastici, teste S. Hieronymo in l. c. Candelabrum aureum de auro purissimo Ecclesiam intelligent.*

Dicuntur CANDELABRA: propter lucernam Spiritus sancti septiformis, quam Christus ascendens (Luc. 8. 16.) supra candelabrum ponit, ut intrantes videant lumen.

Dicuntur AUREA: tūm ob premium doctrinæ & Sacramentorum; tūm ob probationem virtutis & ob charitatem; de qua S. Hieronymus l. c. *Ecclesia aurea est Charitate & doctrinâ cœlesti.*

3. Non est prætermittenda appellatio ANGELI quam dat Episcopo. Angeli: in qua respicitur ad Malichiam cap. 2. v. 7. *labia enim Sacerdotis (hic per excellentiam, quod græcè dicitur κατ' ἔξοχον, est Episcopus) custodient scientiam, & legem requirent ex ore ejus, quia Angelus Domini exercituum est. Custodient, inquit S. Hieron. scientiam ut loquantur in suo tempore dēntque conservis cibaria in tempore suo.*

Ac primum Angelicæ est dignitatis quod est Praefectura Ecclesiæ: nam & de illis dignitatis cœlestibus scribens S. Clemens Aleandr.

Functi-
onis:

xandr. (lib. 6. strom.) per gentes, ait, *& civitates sunt distributa Angelorum præfectura.* Deinde Angelicæ est functionis custodire scientiam legis & annuntiare in Ecclesiis, quod est esse *λόγον* & pro Christo (2. Cor. 5. v. 20.) *Lægatione fungi.* Unde S. Hieron. in Malach. 2. *Angelus autem, id est nuntius, Sacerdos Dei verissime dicitur, quia Dei & hominum sequester est, ejusque ad populum nuntiat voluntatem.* S. Ambr. lib. de initiandis cap. 2. *Sacerdos est Angelus qui Regnum Christi & vitam eternam annuntiat.* Jam illud quām Angelicæ est vitæ: se Episcopum profiteri: esse Angelum aliorum in terris (Matth. 18. v. 10.) simul & videre faciem Patris per obtutum in divina! Meritò S. Chrysostomus lib. 3. de sacerdotio: *aspicite Sacerdotis dignitatem: agitur in terra, sed officium cœlestibus negotiis continetur.* Accedit hoc proprium esse Angelorum superiorum, quod tradit S. Dion. Areop. de cœl. Hier. cap. 4.

Vitæ:

Hierar-
chiæ:

atque ex illo Patres ac Doctores: ut illuminent non tantum homines sed & inferiores Angelos: sic Episcoporum est proprium, ut non solùm cæteris de plebe, sed etiam sacerdotibus & Clero impertiant luminis augmentum. Denique, ut ex hoc loco Apocalypses constat, Ordinem Episcoporum habet Christus pro sua Hierarchia Angelica, & nomen iis imponit Angelorum!

Refert inter Episcopos ut sint Angelici boni, quibus cordi & curæ sit præesse & custodire Ecclesiæ. Pudet Christum Angelii prævaricatoris, dominatoris in Clero, dissipatoris in Ecclesia, & scandali sub nomine & conditione Angelica. De hujusmodi additur statim, post id quod citavimus, in Malachia, v. 8. *Vos autem (vos Sacerdotes, v. 1.) recessistis de via & scandalizastis plurimos de lege: propter quod (inquit v. 9.) & Ego dedi vos contemptibles, &c.*

TRACTATUS III.

IN CAPUT II. ET III. GENERATIM.

Caput 1. & 2. sunt Epistolæ septem dictatæ à Christo ad Episcopos. Distinguamus analysin earum in Tractatus breves quatuor: quorum primus sit de illis generarim seu communiter.

C 3

§. I.